



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბაქრაძე ილია დიმიტრის ძე

ბაქრაძე ილია დიმიტრის ძე (დ. 1. XI. 1940, თბილისი), ონკოლოგი. კოლო-პროქტოლოგიური ონკოლოგიის ფუძემდებელი საქართველოში. მედ. მეცნ. დოქტორი (1999), პროფესორი (2000), სამხედრო-სამედიცინო აკადემიის ნამდვილი წევრი (1998), საქართვე. სახელმწ. პრემიის ლაურეატი (1998), ემერიტუსი (2015).

1965 დაამთავრა თსსი, 1965-68 მუშაობდა რუსთავის ქიმ. კომბინატის სამედ.-სან. ნაწილში ქირურგად; 1970-74 იყო მოსკოვის პროქტოლოგიის ინ-ტის ასპირანტი, 1975-78 – ერევნის ექიმთა დახელოვნების ინ-ტის პროქტოლოგიის კათედრის უფრ. მეცნიერი მუშაკი. 1978-იდან – თბილ. სახელმწ. სამედ. ინ-ტის ონკოლოგიის კათედრის ასისტენტი, დოცენტი (1985), კათედრის გამგე (1991– 2015). 1983 ბ-მ ონკოლოგიის სამეცნ. ცენტრში ჩამოაყალიბა რესპუბლიკაში პირველი ონკოლოგიური პროქტოლოგიის განყ-ბა, რ-საც 2013-მდე თვითონვე ხელმძღვანელობდა. მან კლინიკაში დანერგა მსხვილი ნაწლავის კიბოს რადიკალური, აღდგენით-რეკონსტრუქციული და გაფართოებული ოპერაციები. 1983–2013 ბ. საქართვე. შრომის, ჯანმრთელობის და სოც. დაცვის სამინისტროს მთ. პროქტოლოგი იყო. 1998 შრომათა ციკლისთვის „აღდგენითი რეკონსტრუქციული ოპერაციები ონკოლოგიაში“ მიენიჭა საქართვე. სახელმწ. პრემია; ამავე წელს აირჩიეს აშშ-ის კოლოპროქტოლოგთა ასოციაციის ნამდვილ. წევრად.

ბ-ს გამოქვეყნებული აქვს მრავალი სამეცნ. შრომა, მ. შ. მონოგრაფია და სახელმძღვანელო, რ-ებიც ეხება ონკოლოგიის აქტუალურ საკითხებს.
